



Republika e Kosovës - Republika Kosova - Republic of Kosovo
Autoriteti Rregullativ i Hekurudhave
Regulativni Autoritet Železnica
Railway Regulatory Authority



Autoriteti Rregullativ i Hekurudhave

Politikat e Privatësisë

Përmbajtja

1. Politika e Privatësisë	3
2. Kush i përpunon dhe është përgjegjës për të dhënat tuaja personale?.....	3
3. Kategoria e të dhënave që përpunojmë?.....	3
4. Për çfarë qëllimesh i përdorim të dhënat tuaja personale?	3
5. Baza ligjore për përpunim	4
6. Me kë i ndajmë të dhënat personale të mbledhura?	4
7. Cilat janë të drejtat tuaja?	4
8. E drejta e ankimimit	5
9. Siguria e të dhënave personale	5
10. Përditësimi i Politikës së Privatësisë	5

1. Politika e Privatësisë

E drejta e privatësisë dhe mbrojtja e të dhënave tuaja personale është prioritet kryesor i Autoritetit Rregullativ të Hekurudhave i cili angazhohet të përpunojë të dhënat tuaja personale me përgjegjësi dhe në përputhje me Ligjin Nr. 06/L-082 për Mbrojtjen e të Dhënave Personale, dhe në pajtim me legjislacionin evropian për mbrojtjen e të dhënave personale.

Kjo politikë e mbrojtjes së të dhënave personale është e zbatueshme nëse jeni aplikant për punë, palë kontraktuese, merrni pjesë në një trajnim të organizuar nga ne, vizitoni ARH-n, përdorni ndonjë shërbim, paraqisni kërkesë përmes email-it apo faqës tonë të internetit.

2. Kush i përpunon dhe është përgjegjës për të dhënat tuaja personale?

Përpunues i të dhënave personale është, Autoriteti Rregullativ i Hekurudhave me adresë ne Rr. Rustem Statovci nr. 29, Prishtinë.

Zyrtari përgjegjës për mbrojtjen e të dhënave personale është Valon Hajdari – Zyrtar Ligjor në ARH.

3. Kategoria e të dhënave që përpunojmë?

Në varësi të qëllimeve dhe arsyeve specifike ARH përpunon të gjitha ose disa nga të dhënat personale të specifikuara më poshtë, ndaras ose në kombinim midis tyre:

Të dhënat e identifikimit: emri, mbiemri, të dhënat e dokumentit të identitetit;

Të dhënat e kontaktit: adresa, email, numri i telefonit;

Të dhëna për arsimin, shëndetin, kualifikimin profesional dhe veprimtarinë e punës;

Të dhëna të tjera të kërkuara sipas ligjeve të veçanta që rregullojnë marrëdhëniet e punës ose marrëdhëniet kontraktuale;

Informacione të tjera dhe të dhëna personale të nevojshme për përmbushjen e detyrimeve statutore të ARH-ës për të garantuar sigurinë në ofrimin e shërbimeve të navigacionit ajror;

Foto dhe video nga konferenca apo ngjarje;

4. Për çfarë qëllimesh i përdorim të dhënat tuaja personale?

Përmbushja e detyrimeve ligjore të përcaktuara me Ligjin Nr. 06/L-082 për Mbrojtjen e të Dhënave Personale, në fuqi të Bashkimit Evropian për mbrojtjen e të dhënave personale.

Përmbushja e urdhrave të organeve kompetente shtetërore;

Përzgjedhja e punonjësve, duke përfshirë kryerjen e trajnimeve të specializuara dhe gjuhësore për rekrutimet të reja;

Lidhja e kontratave dhe marrëdhënieve parakontraktuale;

Garantimi i sigurisë së punonjësve, vizitorëve, si dhe infrastrukturës së ndërmarrjes, përmes sistemit të mbikëqyrjes video, sigurisë fizike, kontrollit të qasjes dhe regjistrimit të vizitorëve të jashtëm;

Sigurimi i funksionimit normal, mirëmbajtjes dhe sigurisë së faqes së internetit dhe sistemeve të informacionit dhe komunikimit që përdor ARH-ja

Organizimi dhe realizimi i trajnimeve të specializuara nga Organizata Trajnuese në zyrat e ARH-së;

Përpunimi i kërkesave sipas Ligjit NR. 06/L-081 për Qasje në Dokumente Publike;

Promovimi i aktiviteteve të ARH-së, duke përfshirë shpërndarjen e materialeve dhe broshurave reklamuese, postimin e fotove / videove në web faqe, Facebook, Instagram, Twitter, LinkedIn ose në media tjera.

5. Baza ligjore për përpunim

ARH përpunon të dhënat personale të subjekteve bazuar në mandatin e vet ligjor bazuar në Ligjit Nr. 04/L-63 Për Hekurudhat e Kosovës. në përputhje me Ligjin Nr. 06/L-082 për Mbrojtjen e të Dhënave Personale, dhe në pajtim me legjislacionin evropian për mbrojtjen e të dhënave personale.

Në disa raste, ne përpunojmë të dhënat personale vetëm pas pëlqimit paraprak të subjektit të të dhënave. Pëlqimi i dhënë mund të tërhiqet në çdo kohë nga subjekti.

6. Me kë i ndajmë të dhënat personale të mbledhura?

Autoritetet kompetente siç janë ato të sigurisë, gjyqësore dhe mbikëqyrëse, që në bazë të një akti juridik kanë autoritetin të kërkojnë nga ARH-ja të dhënat personale për subjektet e caktuara.

7. Cilat janë të drejtat tuaja?

Kur të dhënat tuaja personale përpunohen nga ARH-ja ju keni të drejtë:

- të qasjes në të dhënat tuaja dhe në çdo kohë, të kërkonit t'i korrigjoni dhe përditësoni pa vonesë nëse të dhënat tuaja janë të pasakta ose jo të plota;
- të fshirjes ('e drejta për t'u harruar) së të dhënave tuaja dhe mund të kërkonit që

- përpunimi të ndalohet në rrethana të caktuara;
- të kërkon që ndonjë nga ndryshimet e mësipërme t'u komunikohet palëve të tjera, të cilave u janë zbuluar të dhënat tuaja;
 - të ankoheni në çdo kohë nëse besoni se të drejtat tuaja për mbrojtjen e të dhënave janë shkelur.

8. E drejta e ankimimit

Në përputhje me Ligjin Nr. 06/L-082 për Mbrojtjen e të Dhënave Personale, çdo person fizik që beson se i është shkelur e drejta për mbrojtjen e të dhënave personale, mund të paraqesë ankesë pranë [Agjencisë për informim dhe Privatësi](#) me adresë: Rr. Zejnel Salihu - Nr.22, 10000, Prishtinë, Republika e Kosovës.

9. Siguria e të dhënave personale

ARH zbaton masat e duhura fizike, organizative dhe teknike për të mbrojtur të dhënat tuaja personale në pajtim me dispozitat përkatëse të Ligjit Nr. 06/L-082 për Mbrojtjen e të Dhënave Personale.

Kohëzgjatja e ruajtjes së të dhënave personale varet nga qëllimet e përpunimit për të cilat ato janë mbledhur dhe është e rregulluar me Ligjin përkatës për Arkivat Shtetërore ose me ndonjë ligj tjetër përkatës.

10. Përditësimi i Politikës së Privatësisë

Ne mund të përditësojmë herë pas here politikën tonë të privatësisë dhe do t'ju njoftojmë për çdo ndryshim duke postuar Politikën e re të privatësisë në këtë faqe.

Faqja e internetit mund të përmbajë linqe të ndryshme të faqeve të tjera të internetit, për të cilat ju rekomandojmë të i lexoni politikat e privatësisë të faqeve të tyre.